



2019 yil «23» март 110 – К - sonli

Samarqand sh.

“OQTOSH DIYORBEK NUR” МЧЖ
ҚҚга инвестициявий ва ижтимоий
мажбуриятлар белгилаган ҳолда туризм
инфратузилма объектлари (маиший
хизмат кўрсатиш мажмуаси ва
автомобилларга газ қўйиш шаҳобчаси)
қуриш учун ер участкаси ажратиш
тўғрисида

Ўзбекистон Республикаси Ер кодексининг 5-моддасига мувофиқ,
Ўзбекистон Республикаси Президентининг 2018 йил 11 октябрдаги “Давлат
мулки объектларини ва ер участкаларига бўлган ҳуқуқларни тадбиркорлик
субъектларига сотиш тартибини соддалаштириш бўйича қўшимча
чора-тадбирлар тўғрисида”ги ПФ-5552-сонли Фармони ва халқ депутатлари
Самарқанд вилояти Кенгашининг 2019 йил 8 февралдаги 342/61-сонли қарори
ижросини таъминлаш мақсадида

Қ А Р О Р Қ И Л А М А Н:

1. Халқ депутатлари Самарқанд вилояти Кенгашининг 2019 йил
8 февралдаги 342/61-сонли қарори ҳамда вилоят ҳудудий танлов
комиссиясининг 2019 йил 20 февралдаги 04-01/20-сонли йиғилиш баёни
маълумот учун қабул қилинсин.

2. “OQTOSH DIYORBEK NUR” масъулияти чекланган жамият
шаклидаги қўшма қорхонасига туризм инфратузилма объектлари (маиший
хизмат кўрсатиш мажмуаси ва автомобилларга газ қўйиш шаҳобчаси) қуриш
учун Нарпай туман Зарафшон массивининг 27-контуридаги 76 балли 1,5 га
суғориладиган ер майдони қуйидаги инвестициявий ва ижтимоий
мажбуриятларни белгилаган ҳолда, доимий фойдаланиш ҳуқуқи билан
ажратиб берилсин:

туризм инфратузилма объектлари (маиший хизмат кўрсатиш мажмуаси
ва автомобилларга газ қўйиш шаҳобчаси) қуриш учун 1,1 млн. АҚШ доллари
миқдорида инвестиция киритиш;

2020 йил 1 октябрга қадар инвестиция лойиҳасини амалга ошириш;
20 та янги иш ўринларини яратиш;

ажратилган ер майдони ва туташ ҳудудларда ободонлаштириш ишларини олиб бориш.

3. Вилоят инвестициялар ва ташқи савдо бошқармаси (Ф.Мажидов) “OQTOSH DIYORBEK NUR” масъулияти чекланган жамият шаклидаги қўшма қорхонаси томонидан инвестициявий ва ижтимоий мажбуриятларни белгиланган муддатларда бажарилиши юзасидан мониторинг юритилишини, инвестициявий ва ижтимоий мажбуриятлар бажарилиши юзасидан тегишли маълумотларни ҳар чорак якуни бўйича Самарқанд вилоят ҳудудий танлов комиссияси муҳокамасига киритиб борилишини таъминласин.

4. “OQTOSH DIYORBEK NUR” масъулияти чекланган жамият шаклидаги қўшма қорхонасига ажратилаётган 1,5 гектар ер майдонини қишлоқ хўжалиги ва ўрмон хўжалиги нобудгарчилигини ўрнини қоплаш учун вилоят Ер ресурслари ва давлат кадастри бошқармасининг махсус ҳисоб рақамига 165578999 (бир юз олтимиш беш миллион беш юз етмиш саккиз минг тўққиз юз тўқсон тўққиз) сўм миқдоридан пул ўтказиш юклатилсин.

5. Нарпай тумани ҳокимлиги (Б.Жабборов), вилоят Ер ресурслари ва давлат кадастри бошқармаси (С.Ҳақимов):

“OQTOSH DIYORBEK NUR” масъулияти чекланган жамият шаклидаги қўшма қорхонасига ушбу қарорнинг 2-бандида кўрсатиб ўтилган ер участкасини ажратиш бериш бўйича ҳужжатлар расмийлаштирилишини қонун ҳужжатларига мувофиқ амалга оширилишини таъминлаш;

қишлоқ хўжалиги ва ўрмон хўжалиги нобудгарчилигини ўрнини қоплаш учун ҳисобланган тўловлар белгиланган тартибда амалга оширилишини таъминлаш;

Ўзбекистон Республикаси Ер кодексининг 36-моддасига асосан, ер участкасидан белгиланган муддатларда фойдаланмаган тақдирда, ер участкасига бўлган ҳуқуқ бекор қилиниши юзасидан тушунтириш ишларини олиб бориш топширилсин.

6. Мазкур қарор ижросини таъминлаш вилоят ҳокимининг ўринбосарлари А.Нуркулов ва О.Ходжаев зиммаларига юклатилсин.

Вилоят ҳокими



Э.Турдимов